



《續修四庫全書》編纂委員會編

續修四庫全書

上海古籍出版社

二二一〇・子部・雜家類

黃氏逸書考二百九十一卷附十一卷（薛瑩漢後書至漢官）

〔清〕黃奭輯

2450/10

黃氏逸書考五

〔清〕黃奭輯

據清道光黃氏刻民國二十三年
江都朱長圻補刊本影印原書版
框高一三〇毫米寬一九四毫米

薛瑩漢後記序

史通謂范書亦有藍本凡編年四族紀傳五家以九家後漢書而成今後漢書一家之書安得不體大思精顧一書成而九書亡幸彦伯後漢紀向在人間司馬紹統續漢書紀傳雖亡其志固在今范書中范志原屬謝宣遠范敗謝遂蠟以覆車是范無志而司馬有志不可謂亡班孟堅等東觀漢紀范書班固傳固與雖陽合陳宗等共成世祖本紀固又自撰列傳載記二十八篇事在明帝至鄧太后始詔劉

薛瑩漢後記序

珍與劉驥駢作建武以來名臣傳珍末嘗爲長水校尉史通亦云安帝詔史官謁者侯射劉珍據此可悟隋志列長賴永樂大典居然水校尉劉珍等首撰之非賴永樂大典居然得廿四卷孫詒穀增輯謝偉平後漢書五卷是皆爲姚侍御後漢書補逸補者所不存于今僅張璠漢記謝靜思華叔駿袁山松二後漢書及此漢後記五種耳薛道言相傳孟嘗君後以封薛故雖不可知固沛郡竹邑人吳選曹尚書敬文之子也敬文著數萬言道言三世傳東宮纂蹈允有先風故于右國史下

獄時華嚴疏薦至謂丁字項峻始撰吳書少帝更差章曜周昭薛瑩梁廣及臣五人瑩出爲將復以過徙迄未撰奏同寮之中瑩爲冠首云云遂召還爲左國史吳書卽不得見其深于史學可知惟本志不言有後漢書當是私撰惜乎吳亡入晉降表竟出其手新議八篇雖多奚爲且終晉亦不過散騎常侍何嘗不在吳爲散騎中常侍且亦遷選曹尚書矣袁彥伯後漢記於司馬兩謝華張之書無不

薛瑩漢後記序

綴會而獨遺此豈無說乎其不題名後漢書者余秘書表曰瑩作漢後記百卷今姑從之道光辛丑中秋甘泉黃奭右原

附姚之駟原序

瑩字道言吳薛綜之子其所纂蹈允有先風涉學既博文章尤雋吳少帝命章曜周昭梁廣華嚴及瑩五人共撰吳書同寮之中瑩爲冠首吳亡後歸司馬氏官散騎常侍著書八篇名曰新議其所著漢書當是私作故吳志

本傳不載余靖

作漢後記百卷今他

本直云後漢書也瑩書大半弗存未經拂耳
督目然讀世祖及顯宗二論波屬雲委灝瀚
蒼鬱洵良史手他稱是矣袁彥伯竟未採及
何耶

薛瑩漢後記序

三

字史鈞沈

逸書考

薛瑩漢後書

甘泉黃恩掄

光武

王莽之際天下雲亂英雄並發其跨州據郡
僭制者多矣人皆有冀於非望然考其聰明
仁勇自無光武儔也加以寬博容納計慮如
神是以任光竇融望風景附馬援一見觀顏
識奇故能以十數年間掃除羣凶清復海內
豈非天人之所輔贊哉古者師不內御而光
薛瑩漢後書

武命將皆受以方畧使奉圖而進其有違失
無不折傷意豈文史之過乎不然雖聖人其
猶病諸藝文十二御覽九十引加以寬博容
納作宏寬博納惠棟後漢書補注一
同初學記九引光武寬容博納計慮如神是
以任光竇融望風景附影也

明帝

明帝自在儲宮而聰允之德著矣及臨萬機
以身率禮恭奉遺業一以貫之雖夏啟周成
繼體持統無以加焉是以海內又安四夷賓
服斷獄希少有治平之風號曰顯宗

平惠氏後漢書補注二同書鈔二十二引
聽允之德又十五引海內又安

章帝

章帝北巡下長平御池陽宮東至高陵造舟
至於涇而還初學記六

章帝以繼世承平天下無事敬奉神明友于
兄弟息省徭賦綏靜兆民除苛法蠲禁錮抑
有仁賢之風矣是以陰陽協和而百姓安樂
衆瑞並集不可勝載考之圖籍有徵云爾御覽

薛瑩漢後書

九十一惠氏後漢書補注二書鈔十五引綏
靜兆民

安帝

安帝之初委政太后十有餘年及親萬機
邪始進閹官用事寵加私愛阿母王聖熱傾
朝廷遂樹姦黨搖動儲副山陵未范蕭牆作
難兵交禁省社稷殆危御覽九十一惠氏後漢書補注三

桓帝

漢德之衰有自來矣而桓帝繼之以淫暴封
殖宦豎羣妖滿側奸黨彌興賢良被辜政荒

民散亡微漸積逮至靈帝遂傾四海豈不痛
哉左傳曰國于天地有與立焉不數世淫不
能弊也信矣御覽九十二惠氏後漢書補注三

靈帝

靈帝光和元年虹蜺見御所居崇德後殿前
庭中色青赤初學記一

靈帝光和五年校獵廣成苑初學記二十四

靈帝光和六年冬北海東萊瑯邪井冰厚丈
餘初學記七御覽六十八

薛瑩漢後書

漢氏中興至於延平而世業損矣沖質短祚
孝桓無嗣母后稱制奸臣執政孝靈以支庶
而登至尊由藩侯而紹皇統不恤宗緒不祇
天命上虧三光之明下傷億兆之望於時爵
服橫流官以賄成自公侯卿士降下卑隸遷
官襲級無不以貨刑戮無辜摧仆忠賢佞諛
在側直言不聞是以賢智退而窮處忠良擯
於下位遂至姦邪蜂起法防隳壞夷狄並侵
盜賊糜沸小者帶城邑大者連州郡編戶騷

勸人人思亂當斯之時已無天子矣會靈帝
卽世則禍尋其後宮室焚滅郊社無主危自
上起覃及華夏使京室爲墟海內蕭條豈不
痛哉御覽九十二惠氏後漢書補注四引帶
城邑作吞城邑騷動作擾動書鈔四引
一引編戶騷動天下思亂又引宮室爲墟

王霸

光武至薊上王郎使兵至上發薊晨夜馳驚
至下曲陽滹沱河導吏還言河流漸無船不
可渡遣王霸往視實然霸念恐驚衆卽還曰

薛瑩漢後書

四

冰牢可渡比至冰可乘帝遂得至滹沱河初
學記十御覽六十八引使兵作使者曲陽上無
上字冰牢作冰堅末作帝遂得渡

馬防

上以太常樂承鮑鄴等上樂事下車騎將軍
馬防防奏言建初二年七月鄴上言王者飲
食必道須四時五味故有食舉之樂所以順
天地養神明求福應也移風易俗莫善于樂
樂者天地之和不可久廢今官樂但有太簇
皆不應月律可作十二月均各應其月氣乃

能感天地和氣宜應明帝始令靈臺六律候
而未設其門樂經曰十二月行之所以宣氣
豐物也月開斗建之門而奏歌其律誠宜施
行願與待詔服崇及能作樂器者共作治考
工給所當詔下太常太常上言作樂器直錢
百四十六萬請太僕作成上奏寢今明詔下
臣防臣輒問鄴及待詔知音律者皆言聖人
作樂所以宣氣致和順陰陽也臣愚以爲可
順上天之明待因歲首令正發太簇之律奏

薛瑩漢後書

五

雅頌之音以立太平以迎和氣其條貫甚備
詔書以防言下三公續漢書律曆志上注

李膺

李膺字元禮潁川襄城人抗志清妙有文武
雋才遷司隸校尉爲黨事自殺世說德行篇
注

八俊

李膺王暢荀綽朱寓魏朗劉佑杜楷趙典爲
八俊世說品藻篇注

白波賊

黃巾郭泰等起於西河白波谷時謂之白波賊

賊後漢書
又作鎮

民國甲戌

薛瑩漢後書

六江都朱氏

補刊

華嶠漢後書序

本傳以嶠有良史之志治禮音律天文數術
南省文章門下撰集皆典統之初嶠以漢紀
煩穢慨然有改作之意會爲臺郎得偏觀秘
籍遂就其緒起于光武終於孝獻一百九十
五年爲帝紀十二卷皇后紀二卷十典九卷
傳七十卷及三譜序傳目錄凡九十七卷嶠
以皇后配天作合前史作外戚傳以繼末編
非其義也故易爲皇后紀以次帝紀又改志

華嶠漢後書四序

爲典以有堯典故也而改名漢後書奏之詔

朝臣會議時中書監荀勗令和嶠太常張華侍中王濟咸以嶠文質事核有遷固之規實錄之風藏之秘府後太尉汝南王亮司空衛瓘爲東宮傅列上通講事遂施行所撰書十典未成而終秘書監何劭奏嶠中子徹爲佐著作郎使踵成之未竟而卒後監繆徽又奏嶠少子暢爲佐著作郎克成十典永嘉喪亂嶠書存者五一作三十餘卷晉書班班可考如

作

十餘卷晉書班班可考如

是而姚侍御乃遠引叔駿集所載詔語及謝表以爲旁證卽其集序亦止嶠作後漢書百卷一語視本傳多三卷爲資互考其司馬諸公贊與集序同稱後漢書自有所本若余靖云嶠刪定東觀記爲漢後書九十七篇正合本傳非別有考也豈有侍御而不一檢本傳者乎叔駿平原高唐人魏太尉敬子魚孫晉太常卿表偉容子封樂鄉侯遷尚書所著論議難駁詩賦之屬數十萬言今范書論贊微

華嶠漢後書序

二

章懷之注誰復知襲華書而有非僅章懷一注所能證出者姚本誠不如章逢之孝廉重輯本之詳然猶必過而存之者莫爲之前雖美弗彰抑又聞之嶠少子暢在史官并艸魏晉紀傳侍御當日何不編附于其父書之後不更大觀歟然而非補逸漢書者所當從事矣

道光辛丑小陽月甘泉黃奭右原

附姚之駟原序

案華叔駿集載詔語曰亭侯嶠體素弘簡文學通書實錄右良史之志故轉爲秘書監其加散騎常侍凡著作禮儀音律天文數術南省文章門下課集皆典統之嶠謝表云劉向父子世典史籍馬融博通三入東觀非臣庸賤所敢擬跡則當時之推重可知矣嶠集序云嶠作後漢書百卷張華等稱其有良史之才足以繼跡遷固乃藏之秘府與三史並流司馬諸公贊曰嶠字叔駿有才學

華嶠漢後書序

三

漢書世稱爲良史則當時後漢書之推重又可知此編不知亡自何時吳博士表不言其遺逸蓋已不復知有華書矣余靖云嶠刪定東觀記爲漢後書九十七篇應別有考今范書多採拾其緒餘至於小論或全襲用蔚宗其亦服膺斯編乎微章懷注之則掠美者勝矣嶠華表之子歆之孫也

予史鈎沉

逸書考

華嶠後漢書注

甘泉黃爽學

明帝

世祖既以吏事自嬰帝尤任文法總攬威柄權不借下值天下初定四民樂業戶口衣食滋植斷獄號居前世之十二中興已來追蹤宣帝夫以鍾離意之廉法諫諍懇懇以寬和為首以此推之亦難以德言者也御覽九十二引帝尤任文法帝上有明字戶口下無衣食二字滋植下無斷獄九字宣帝下無夫

華嶠後漢書注

字廉法作廉淳以寬和上有常字以此推之下作難得而言也案宣帝宣字當作先

館陶公主為子求郎不許賜錢千萬明帝謂羣臣曰夫郎中上應列宿出居百里苟非其人則民受其殃書鈔六十又初學記十一引荷五字又御覽二百十五引同初學記

帝自制五行章句後漢書桓榮傳注范書帝自注五家要說令郁校定

明帝至長安迎取飛廉并銅馬置上西門平樂觀文選張平子東京賦注

靈帝

靈帝時遂使鈎盾令宋典繕治南宮又使掖庭令畢嵐鑄銅人四列於蒼龍玄武闕又鑄四鍾皆受二千斛懸於堂及雲臺殿殿前又鑄天祿蝦蟇吐水渴烏施於橋西用灑南北郊路以省百姓灑南道之費藝文八十四又引靈帝時使掖庭令畢嵐鑄銅人四列於蒼龍玄武闕外又引修王堂殿鑄銅人四黃鍾四及天祿蝦蟇又鑄四出文錢

元和當作元年遂置鴻都學畫孔子及七十

華嶠後漢書注

二弟子像其諸生皆勅州郡三公舉用辟召或出刺太守入為尚書侍中乃有封侯賜爵者士君子皆恥與為列御覽二百一又文選吏部封侯第一表注引元和元年置鴻都門學下即接其諸生云云出刺作出為未有焉字元和亦誤

帝於平樂觀下起火壇上建十二重五采華蓋高十丈壇東北為小壇復建九重華蓋高九丈列奇兵騎士數萬人天子住大蓋禮畢天子躬環甲稱無上將軍行陣三匝而還設

秘鼓以示遠人惠氏後漢書補注四案袁宏
觀耀兵於平樂觀天子親擐甲冑即此事中
和誤當作中正

獻帝

李催等大戰弘農百官士卒死者不可勝數

董承密詔白波賊帥李樂等率眾來攻擊催

等大破之乘輿乃得進承夜潛過曰日字先

具舟船為應帝步出營臨河岸高不得下時

中宮伏德扶中宮一手持十疋絹乃取德絹

連續挽而下餘人匍匐岸側或自投死亡覽御

華嶠後漢書注 三

八百十七又文選潘安仁西征賦注引李催
等大戰弘農百官士卒死者不可勝數董承
率眾擊催而破之乘輿乃得進承先具舟船
帝以絹挽而下餘人匍匐岸側或自投死亡
袁紀云董承以爲宜令劉太陽使李樂夜渡
舉火爲應上與公卿步出營臨河欲濟岸高
十餘丈不得下議欲續馬轡繫帝腰時后兄
伏德扶后一手扶約十四董承使荷令孫堅
從人問所后血靈曰劉是德何等人也以刀
之受病者血靈曰劉是德何等人也以刀
邊皆爲下校尉何從居前負帝下至河
環引木此條及下條蓋御覽等所錄不
截引木此條及下條蓋御覽等所錄不
耳四四字是定字之誤蓋以形近而誤

李獻伏后

李獻伏后興平二年立爲皇后李催郭汜等
敗乘輿於曹陽帝乃潛夜渡河走六宮皆步
行出營后手持縑數疋董承使孫微以刃脅
奪之殺傍侍者血濺后衣御覽八百十八據
袁紀孫微當作孫
微

陳慙王寵

陳慙王寵善弩射其秘法以天覆地載參連
爲奇又有三微三小三微爲經三小爲緯經
緯相將萬勝之方然要在機牙其射十發十

華嶠後漢書注 四

中中皆同處書鈔一百二十五陳禹謨補父
御覽三百四十八引至十中又
後漢書陳敬王羨傳注引至機牙相將上脫
經緯二字

鄧禹

鄧禹字仲華拜大司徒年二十四內文明德
行純備姚之駟後漢書補逸

鄧禹十三男各令習一藝御覽七百四十四
姚本禹爲司徒天

下既定常欲遠名勢有子十三人各使守一
藝案袁紀云禹內文明外溫恭不事產業常
欲避權勢有十三男各命通一經本此

李通

李通字文元以識記說光武為大司空初學

一又書鈔五十二引無字文元三字案袁宏後漢紀李通字次元

臧宮

使張明也後漢書臧宮傳帝使大中大夫拜宮為輔威將軍注姚本作宮履下郡邑帝使大中大夫張明持節拜宮為輔威將軍

後漢書臧宮傳建武二年封成安侯明年

將突騎與征虜將軍祭遵擊更始將左防

韋顏注華嶠書韋字作韓

上璽書勞宮賜吏士絳繅六千匹後漢書臧宮傳注姚

華嶠後漢書注

本上璽書上有宮攻延岑悉降其眾八字蓋約范書以補苴也

祭遵

祭遵為征虜將軍南擊弘農賊弩中遵洞出

流血眾見遵傷稍引退遵呼叱止之士卒戰

皆自倍遂大破之書鈔六十四姚本祭遵下有字弟孫建武二年七字

中遵下有口字姚作山誤自倍作百倍當從之末有為人獻諫幸公及卒光武歎曰安得憂國奉公如祭征虜者乎二十四字

岑彭

岑彭說降朱鮪遷征南將軍治軍整齊秋毫

無犯書鈔六十四

陳俊

拜為疆弩將軍賜絳衣九百領以衣中堅同

心士後漢書陳俊傳注姚本并為上有俊從足其文義餘悉同

帝賜璽書曰將軍元勳大著威震青徐兩州

有警得專征之後漢書陳俊傳注姚本帝賜字案袁紀云張步兄弟謀反亡歸琅邪俊擒討盡誅之上美其功賜俊璽書曰將軍元勳大著威震青徐兩州有警實得征之本此

華嶠後漢書注

馮異

異為征西大將軍時三輔大亂異討之與赤

眉賊會大破於崤底追擊之又大破行巡上

書言狀不敢自伐諸將或欲分其功詔云征

西功若邱山也見姚本案功若邱山見袁宏紀

吳漢

漢在朝廷唯公書鈔五十一案此語有脫誤姚氏謂此語出自帖今唯檢書鈔有之

賈復

賈復為執金吾更始郎王尹尊及諸將反上召諸將議以檄叩地曰郎最強宛次之復率爾對曰臣請擊郎上笑曰執金吾擊郎吾復何憂耶御覽二百三十七

王梁

王梁為野王令初學記十一

王梁字君嚴拜大司空赤伏符曰王良主衛

王以野王本衛地徙立武水神司空水土之

官於是擢拜梁也初學記十一赤伏符說又見為野王令下徙立武作

華嶠後漢書注

七

作立武又重立武二字末句作於是擢梁為大司空

馬成

馬成字君遷拜驍騎將軍北屯常山積數年

上其勤勞徵歸京師邊民多上書請之上復

以成撫之御覽二百三十八

馬援

馬援為隴西太守遇長吏如兄弟委以任之

書鈔七十四惠氏後漢書補注七引華嶠書曰遇長吏如兄弟委以任之北堂書鈔云云

馬援在河西有穀數萬斛乃歎曰凡殖財者

賈以施也否則守錢虜耳御覽八百三十七日廣羊五六千頭馬數百羣穀萬斛乃嘆曰凡殖財者貴以施也不則守錢虜耳乃散以賑昆弟故舊本此

鄭興

鄭興更始立拜為諫大夫使安集關西見姚本

樊宏

樊宏為光祿大夫位持進宏為人謙卑畏慎不求苟進書鈔五十六案袁紀宏謙恭畏慎不汲汲於官位本此

華嶠後漢書注

八

馮衍

衍祖父立生滿年十七喪父早卒滿生衍後漢書馮衍傳注姚氏曰案東觀稱衍祖即野王生座座生衍范書亦同此恐有誤案後漢書又有注衍之祖馮參惠氏補注八云衍之祖東觀記及本傳皆云野王雅華嶠書以為馮立則參為衍從祖也

丹死衍西歸吏以亡軍下司命乘傳逐捕故

亡命後漢書馮衍傳注姚本衍說廉丹肯莽丹不從而戰死衍西歸後下同亡命下

有河東二字

魯恭

司空數有忠言陳正得失恭在位選
辟兄弟至列卿郡守數十人書鈔五十二姚
本司空作司徒

劉寬

劉寬為南陽太守遇民如子未當疾言遽色
書鈔十四姚本為南陽太守在遽色下又
有疾言遽色養蠶織屨生民之利十二字
劉寬為南陽太守好為諸生講論經義不嚴
而治言鈔七十五

韋彪

韋彪上疏曰欲給民所務當先除其患其原

華嶠後漢書注 九

在尚書典樞機天下事一決之不可不察
四十八又書鈔五十九引無當先除其患五
字之下有也字無末四字
韋彪上疏曰有楚獄事繁故置尚書令史以
助郎御覽二百十三

朱暉

暉年五十失妻昆弟欲為繼室暉歎曰時俗
希不以後妻敗家者遂不復娶後漢書朱暉
傳注

桓榮

桓榮為博士會廷中詔賜奇果受賜果懷之

榮獨舉手奉以拜光武笑指之曰此真儒生
御覽九百六十四又書鈔十九引詔賜奇
果

桓榮字春卿為太子太傅以太子經學成畢

上疏謝歸道太子以書謝見姚本

榮以少傅遷太常明帝即位尊以師禮甚見

親重拜之乘輿每幸太常府令榮東面坐設

几杖會百官見姚本

榮弟子丁鴻學最高後漢書桓榮傳注

榮長子雍早卒少子郁嗣後漢書桓榮傳注

華嶠後漢書注 十

桓郁

桓郁字仲恩為議郎敦厚篤學傳父業以尚

書教授門徒常數百人選侍中帝以郁先師

子有禮讓甚見親厚常居中論經書問以政

事不離左右帝自制五經章句令郁定於宣

明殿中見姚本案五經章句據後漢書桓榮
傳注當作五行章句

郁書乞身天子憂之有詔公卿議議者皆

以郁身為名儒學者之家可許之於是詔郁

持中行服後漢書桓郁傳注時郁以母憂
乞身

郁六子普延焉俊鄭良普嗣侯傳國至曾孫
絕鄭良子孫皆博學有才能後漢書恒郁傳注

樂松

樂松家貧為郎常獨直宿臺上無被食糟糠

明帝每入臺輒見松問其故而喜之書鈔三十八又

御覽又引五十四引樂松家貧為郎無被食糟糠

自給大官食又書鈔一百七十四陳

檮引又御覽又御覽七百七引樂為郎獨宿

臺上無被帝推被與之

明帝每入臺嘗以事怒郎樂松以杖撞松

走入下上怒甚疾言曰郎出郎出松曰天

子孫諸侯皇皇未聞人君自起撞郎上乃

赦之御覽九十一又二百十五引無以杖撞

敬之

伏恭恭太僕帝臨辟雍於行禮中拜恭為司

空儒者以為榮藝文四十七又御覽二百八

引又書鈔五十二引帝臨辟

中屠剛為尚書令時內外羣臣多帝自遷舉

以法理嚴察職事過苦尚書近臣乃至捶

撰李曳於前羣臣敢言惟剛每極諫御覽二

陳元

初欲立左氏傳博士范叔以為左氏淺末不

宜立陳元聞之乃詣闕上疏爭之更相辯對

凡十餘上帝卒立左氏學御覽二百三十六

奏孫立字初作時議范叔作范升以為上言

第一十一字案范書作字長孫孫書鈔引亦作

長孫此作襄孫疑誤又范叔姚作范升袁紀

陳元字長孫以才高著名辟司空宋弘受罪

上書訟之言甚切又敷陳當世便宜事書鈔

入更氏食漢書十引元辟司空掾宋宏受罪

上書訟之言甚切直

耿秉

耿秉為人威重有謀畧拜執金吾每行幸秉

恒領衛尉御覽二百三十七

耿秉為征西將軍出西域秉原諺壯勇

與士簡易鎮撫單于匈奴懷其信書鈔六十

條今合併為一姚本為征西將軍上作耿康

字伯初初如奴下作與國懷其恩信案秉字伯

勇而簡易於事亦明載范書則為耿秉信矣